



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 61. S. Emmeramus Ratisbonensis.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæculum VII
A. C. 649.

§. LXI.

S. Emmeramus Ratisbonensis.

*vit. ap. Sur.
22. Sept.
Coint. an.
649. n. 26.*

Eodem ferme tempore S. Emmeramus relicta Gallia, in Bavariam Fidem prædicaturus abiit. Is Pictavii natus, cum ab unguiculis se totum Dei servitio addixisset, ordinatus est Episcopus in eadem Aquitaniæ Provincia, incertum in qua Sede. Postmodum sciens, Pannoniæ populos adhucdum in Idololatriæ tenebris versari, illo proficisci statuit. Igitur alio Episcopo, qui suas vices subiret, ordinato, relicta patria, propinquis, Bonis, quæ amplissima possidebat, Ligeri & Rheno superatis in Germaniam pervenit; cumque illarum Gentium linguam nesciret, quodam Presbytero, cui nomen Vitalis, Interprete utebatur. Delatus Ratisbonam, ubi Theodo Dux seu Bavariæ Præfectus, Regis Sigeberti III. nomine, commorabatur, postquam huic Principi consilium ad Avares migrandi, Fidem prædicandi, & si necesse esset, Martyrium subeundi aperuisset, dixit ille; *Cam bis Gentibus bellum nobis est perpetuum, cunctas ad Anasum oras vastant, ut ut securitatem tibi promiserint, res periculo plena est transitum tentare; & quia salutarem*

Ex Pauli tamen Diaconi & Monachi Cassinensis assertione lis eo pacto dirimi posset, ut ossa dicantur translata, carnes vero redactæ jam in pulveres ibidem relicta. &c.

rem tuam Doctrinam cognovi, non feram, Sæculum VII
 ut a nobis discedas. Tu Episcopus noster A.C. 649.

sis, vel si hoc munere fungi superbia tibi videatur, Abbas esto, & Monasteria hujus Provinciæ moderare. S. Emmeramus videns se exequi non posse, quod sibi primo propositum erat, Theodonis precibus locum dedit, eo facilius, quod inter Incolas illius Regionis utpote Neophytos Idolorum cultus necdum penitus esset deletus, sed Ethnica superstitione cum Religione Christiana fœde commisce- retur. Remansit igitur annis tribus, in urbibus, oppidis & vicis fidem prædicans. Singulos quoque, quotiescunque id poterat, in Fide solerter erudiebat. De mercede, quæ ipsi dabatur, nil nisi necessarium servabat, & reliqua in pauperes dividebat. Triennio circumacto licentiam petiit Romam peregrinandi, & aliquot Clericis comitantibus in viam se dedit.

Trium dierum itinere confecto, Lambertus Theodonis Ducis filius insequitur, & proficiscentem occupat. Causa vero persecutionis hæc erat. Lamberti Soror filio cujusdam in illa Regione Prætoris potestatem corporis sui fecerat, cumque tumente utero jam probrum celare non posset, a S. Episcopo stuprum sibi oblatum mentita est. Itaque Lambertus iter facientem consequitur, generis opprobrium vindic-

Sæculum VII vindicaturus. S. Emmeramus dixit; se
A. C. 649. Romam proficisci, & posse illuc Accusa-
 tores suos mitti, qui crimen deferrent.
 At non audiit loquentem Lambertus, quo
 jubente milites Episcopum comprehen-
 dunt, scalæ alligant, digitos singulos ab-
 scindunt, eruunt oculos, nares, aures,
 pedes manusque resecant, tandem mem-
 bris omnibus truncato etiam linguam e-
 vellunt, & suo sanguini innatantem re-
 linquunt. Tum Comites ejus, quos ter-
 ror in fugam verterat, redeuntes, inde in
 locum duodecim millibus distantem de-
 vehunt, ubi animam reddidit, statimque
 sepultus est. Posteriore tempore Sancti
 Martyris Reliquiis Ratisbonam translatis,
 multa edita Miracula. Vitam ejus scri-
 psit Cirinus Episcopus Frisingensis ætate
 Caroli Magni, additis quibusdam aliis
 circumstantiis, quæ veri speciem non ha-
 bent. Ecclesia S. Emmeramum inter
 Mart. Rom. 22. Sept. Martyres colit 22. Sept. ejusque Epita-
 phium indicat, anno 652. passum
 fuisse. (*)

*vid. Coint.
 an. 652. n. 14.*

*Mart. Rom.
 22. Sept.*

(*) Hier ist das End des fünften Theiles un-
 sers Protestantens. Den sechsten Theil hab ich
 noch nicht bekommen, so daß ich ihm nicht mehr
 so auf dem Fuß folgen kann. Es ist aber kein
 Wunder daß es mit der Uebersetzung des Fleury
 langsam zugeht, wenn er auch des Bougeant Hi-
 storie des dreyßigjährigen Kriegs übersehet.

HISTO-